

# مشاورت افغان

مطبعه و محل اداره :

د مال او غنډه امنیت  
سندوخی جوارنده  
شکول یقوشنده  
۲۰ نوموړو

سلکمزمووافق آثار  
جدیده مع الممنونه  
قبول اولنور

درج ابدله بن آثار اعاده اولنماز

دبیره ، فلسفه ، علوم ، حقوق ، ادبیات تاریخ ، سیاسیات د و بالخاصه احوال و شئون اسلامیه د بحث ابرو د هفته د نشر اولنور.

آبونه بدلی

صاحب و مؤسسه لری :

در سعادتده نسخه سی ۵۰ یاره در

ابوالعلا زین العابدین - ح . اشرف ادیب  
تاریخ تأسیسی

قیرله دن مقوا بورو ایله کوندریلیرسه سنوی  
۲۰ غروش فضله آلنبر

۱۰ تموز ۱۳۲۴

| سنه لکی            | التی آیلانی | غروش |
|--------------------|-------------|------|
| عالم عثمانیه ایچون | ۶۰          | ۳۰   |
| روسیه              | ۶۰          | ۳۰   |
| سائر ممالک اجنبیه  | ۱۷          | ۹    |

عدد : ۱۷۹

۱۹ صفر ۱۳۳۰ پنجشنبه ۲۶ کانون ثانی ۱۳۲۷

یدنجی جلد

وردیلر ؛ فقط او موقت متاع ، او متاع قالدیلر ؛ قالدیلر ؛

# اسلامده حرکات علمیہ

( الدعوة والارشاد ) ده اصول تدریس

مابعد

فقه - فرائض

هر طالبك منسوب بولونديوغى مذهبك فقهنى ؛ فقهك اسلامى طانيه جق ، محتاج بولونديوغى خصوصاً كتابلرينه مراجعت كندينه قولاي كلهجك درجه ومقدارده تحصيل ايتمش اولمى مشروطدر .

صنف مرشدین :

صنف مرشدینده بوتون مذاهبك فقهندن صورت موجهده بر بارچه اوقوتولور ، آنجق عبادات ايله احكام شخصيه - كه ايمان ، نذور ذباح ، اشربه ، اضحیه آننددر - بعض مرتبه تفصيل اولونور . تاكه مرشدین ، بومذاهبك اصطلاحاتی طانیسونلرده هر برینه بونلردن برینك اتباعی غالب بولونديوغى رجعتده وظیفه ارشادی درعهده ایتدكاری و اومذهبه توسیع مكنتسبات ايتك احتیاجنی حس ایتدكاری زمان - دوچار اشكال اولماق اوزره - مذاهب مذکورده دن هر هانكي برنده بسط و توسیع معلومات قولای كلسون . بوطرز تعلمك فوآندندن بری ده هر طالبك بومذهبك متقارب اولدوغنی كوروب بومذهبه ديكربنه قارشى متعصب بولونمامسی ، مذاهبك هیچ بومسلمك جاهل قلامیه جنى مسائل قطعیهده متفق اولوب بونلردن ماعدا وقوع بولان اجتهادواختلاف فلزینك اهل اسلام آرسنده تفرقه دینهیه سبب اولماسی لایق اولمديغنی وبلكه - سلف صالحین رضی الله عنهم ك بولونديوغى طریق اوزره - بوكی بعض مسائل فرعیهده آره لرنده اختلاف اولسه بیله مسلمینك یكدیكرلری معذور كورمه لری لازم كلهجكنی آ كلاماسی در .

فقهده شواذ وفرضیاتدن صرف نظرله عملده احتیاج حس اولونان مسائل بیانیله اکتفا اولونور . بونكچون مجله احكام عدلیه نك اسلامی اوزره مسائلك مفصلاً ومعدوداً ( ماده بماده ) مذکور بولونديوغى رسائل وضع وتدریس اولونور . بورساله نك عبارته سی غایت سهولتی وانسجام اوزره بولونمالیدر . چونكه تعلیم عوامده سلوك اولنه جق طریق بودر .

فرائضندن بر رساله اوقوتولور وطلبهیه عمل مناسخاتده تمرن ( ممارسه ) كسب ایتدیریلر .

## حکمت تشریع

مسلم ، بو علم سایه سنده دیننده بصیرت اوزره بولونور ، آنكه عامل اولغه نفسنده میل وانبعاث شدید حس ایدر ، دینك حقیقته استدلالده تمسك ایتدیكى حجتلری ، كسب بالغیب ایدر ، معترضینك منتسب بولونديغی شریعت قارشى ایراد ایتدیكى شبهاتك دفعنه عاقد حجتلری ده كسب تقویت ایدر . ینه بو علمك فیضیه دركه شریعت اسلامیه نك ،

بشرینك تأمین سعادت وفلاحنه هر زمان و مكانده صالح بر شریعت منیفه حنیفه اولدوغنی ، اهل سذاجت ( سادكى معیشت اهلی ) و بدوته موافق كان و آنلری مدنیتك اك یوكسك طبقات وانواعنه اصعاد ایدن بر دین مبین بولونديوغنی و آنك دائرة هدایت و ارشادندن خارج قالان هر درلو مدنیتك ، مادی رذیلتلردن وانسانیت ایچون شبهه اورا قتلردن سالم قالمیه جغنی آكلار . ایشته بو فائده لرك بیانی ایچوندركه بو علم ، تدوین اولونور وینه بونك ایچوندركه اوقونور .

صنف مرشدین :

حكم و اسرار شریعت حقنده فروع فقه کتابلرینك طریقتی اوزره بر کتاب وضع اولونور . بونك هر بابنده کتاب وسننده کی ثابت اولان احكامك حکمتلری تفصیلاً ذكر اولونور ، علمانك اشبو احكامدن استنباط ویا قیاس ایتدكارینك حکمتلری ده اوكره تیلور . بو کتاب ، صنف مرشدینده اوقونور .

صنف دعاة :

دیكر بر کتاب دها وضع اولونور ، بوندهده مقاصد وحكم شرع ؛ « قواعد » حالنه قولونور ، فروعده علی سبیل التمثیل ذكر اولونور ، بو کتابده ( صنف دعاة ) ده اوقونور . بر قاچ مثال :

دیننده یسر و رفع حرج قاعده سی ، « محرم لذاته » و « محرم لسد الذریعه » قاعده سی ، الضرورات تبیح المحظورات قاعده سی . فرعلری کثیر ومعروفدر .

بو ایکی کتابك تألیفنده احیاء العلوم ( غزالی نك ) ، اعلام الموقعین وزاد المعاد ( ابن القیمك ) ، موافقات ( شاطبی نك ) ، فروق ( قرافی نك ) ، حجة الله البالغة ( دهلوی نك ) و حجة المنار کی بو حکمتلرك مذکور اولدوغنی مصنفاتدن استعانه اولونور .

## اصول فقه

صنف مرشدین

صنف مرشدینده اصوله دائر بعض مختصر رساله لر ، طریقت جمهور اوزره - وشاطبی نك کتاب موافقاتندن مسائل مهمیه دائر درسار اوقوتولور ، مثاللر تکثیر وتنويع اولونور .

صنف دعاة

صنف دعاةده مختصر موافقات ايله طریقت جمهور اوزره دیکر بر کتاب اوقونور كه بونك درساری ، منحول ( غزالی نك ) ، مسودة ( آل تمیه نك ) ، ارشاد الفحول ( شوکانی نك ) ، کی مبسوط وواضح العبارة کتابلر اوقونور ، بوندهده مثاللر تکثیر اولونور .

## علم اخلاق وتصوف ، تربیه علمییه وعملیه

( صنف مرشدین ) ده تدریسه لایق مختصراتدن بعضیلری ؛ کتاب الاخلاق والسير ( ابن حزمك ) ، ذریعه ( راغب اصفهانی نك ) ، مختصر الاحیاء . موافق بر اختصارى بولندینی حالده . بولونه مازسه غرضه كوره اختصار اولونور . [۱] ذم دنیا ، فقر وزهد بختلرنده زمانمزله

قرون اولای مسلمان آرسنده سعه ثروت اولان احتیاج نقطه نظرندن اولان فرق ، بوکون حیات امت بوکا، یعنی سعه ثروته متوقف اولدوغی حالده ازمنه سابقهده حال بویله اولمدینی وزهد صحیح ایله قناعت حقیقیه نك تحصیل ثروت و معموریت دنیوییه منافی بولمدینی ، چونکه بونلرک صفات قلبیه دن اولوب فائده لری ایسه انسانك ، مالنك فضله سنی ملتك نفع و شرفنه ، مجد و عزتنه تخصیص ایتمه سی اولدوغی و تحصیل ثروتدن آنجق ملت ایچون ده نافع بر عمل ملحوظ اولدوغی حالده فراغت ایلک لایق اوله بیله جکنی ده علاوه ایله مک لازمدر .

بو صنف ایچون اخلاق تربیه علمییه و عملیه ، بو عصرک احتیاجنه کوره اصول تعلیم و تدریس حقنده برر کتاب وضع اولونور . بونده حکمای عصرک اصول اجتماعیه نك مقتضیاتنه کوره قواعد متقدمینه علاوه سی لازم کلن فوائد و حقائق اقتباس ایتک لازمدر . تربیه و تعلیمه دائر اولان کتابده غزالی نك کتاب احیاسنده ، ابن خلدونك مقدمه سنده اسلوب تعلیم حقنده کی بیانات و مطالعاتی ایله ( ابی بکر بن العربی ) و ( شیخ زکریا الانصاری ) کی دیگر افاضل دن انتخاب اولنه جق مباحث تلخیص اولونور ، بوندن باشقه علمای غربک بوبابده نظر و اختیار طریقله الله ایتدیکی اصول و قواعددن استفاده اولونور . ایشته بو یولده درکه بو علمک سلسله اتصالی ظاهر اولور و اهل اسلام ایچون بو عصرده تعقیب اولنمه سی لایق اولان « طریقت مثلی » آکلاشیلور .

مابعدی وار

( مختصر ) ک احادیث موضوعه و واهیه دن خالی اولماسی ، هوامشنده احادیثک تخریجی ، واصل اوزرینه استدراک اولونانه دائر تربیه بولنمه سی ، تأثیرده زمانه بزدن اولکیلرک زمانی آرسنده کی فرقک بیان اولنمه سی شرطدر .

## مکاتیب

### دوره جق زمان دکلدرد

صراط مستقیمک اولکی هفته کی نسخه سنده محمد فخرالدین بکک فوران حیثیه یازدینی مقاله یی برخیلی رفقا باش باشه و یروب آغلایه رق او قودق . اوت پک دوغری . بوندن درت سنه مقدم ، سنهده آنجق برقچ معاش ، اوده قوپارتمق ! قیلندن آنجق قورتاره بیلیردک . بوکون ایسه حتی یکی آی کیرمزدن اول معاشمزلزده . ماضی ایله حال آرسنده کی شو قوص قوجه فرق میدانده دکلی ؟ بو نعمت دکلدده نهدر ؟ بونعمتک توالیسنی البت هیمز تمی ایدرز . بونعمتک دوا می ، توالیسی ایسه شبهه سز که وطنی سلامتده ، امنیتده کورمکه دشمن تجاوزندن مصون بولندیرمقله اولور . بو امنیت ، سلامتی تأمین ایده جک ایسه اردودر ، دونمادر . وطنک سلامت طیرانی تأمین ایده جک بویکی قناد نه وقتکه عینی قوتی حائز ایسه ده آنجق او وقت سلامتده یز . والاسقوطه محکومز . بن ظن ایتمه که ملکمزده بونی بیلیمان قلمش اولسون . تکمیل وطنداشلمه سؤال ایدیه یورم . الله رضاسیچون بکا جواب ویرسونلر . بوکون بونعمتک ایکی لقمه اتمک لذتی آلییورمی یز ؟ یورودیکمز

یرلرده آدمیلر میز مستریح آتابیلدورمی یز بوکون باشمزی صوقدیغمز کلبه مزده عجبا یارین عرض و ناموسمزلک ، چولق چوجغمزک خان بر دشمنک ایاقلریله چیکنه میه جکندن امینمی یز ؟ قابل انکار میدرکه سوردیکمز حیات دائمی بر خلجان تام داخلنده کذران ایتکده در . عجبا قلبمزلک یاره سی صیلامدق بر آنمز وارمی ؟ عزت نفسمزلک رنجیده ایدلمدیکی بر کونمز کچیورمی ؟ برده استانبولمزلک محیطندن چیقکمز . اناتولی ، روم . ایلی ، هر زده کیدرسه کز کیدیکز . محمد دانی قورو اتمک تدارکی بشنده هم چیفتی سورر هم قولاغی کیریشده در . عجبا هانکی دشمن ایچون چاغریله جغز ؟ ! بونلر هپ بویله دکلیدر ؟ عجبا انکاره مجال وارمیدر ؟ نهدر بوحال ؟ نهدر بومذلته تحمل ؟ آرتق بزده انسانلر کی یشامایه لم می ؟ آندیغمز آدمیلری مسکینانه دکل ، فقط پروقار آتمایه لم می ؟ مدهش بردونمایه مالکیته کوکسمز قبارمش اولدینی حالده اقشام کلبه مزه کلدیکمز زمان چولق چوجغمزی سفره مزه طوپلایوب ایکی لقمه اتمکی کمال لذتله ییمه یه لم می ؟ فقط خایر ، آرتق مذلتله یشامیه جغز ، آرتق پک ایی ا کلا دق که آوروپا اسلامیتی سوندورمکه اوغراشییور . سیکلرجه قرده شلمزی بغیر حق قورشونه دیزیور . دیمک بوکون فرصت اللزینه کچه بزده عینی عاقبتله اوغرایه جغز . محترم فخرالدین بک مایوس اوله ییکز بن بالعموم وطنداشلم نامنه بالوکاله تبشیر ایدرمکه بوصوک تجربه لر بزه درس کافی اولدی . ویره جکمز ، دونامامزی احیا ایده جکمز . آرتق مذلتله یشامیه جغز . اولیه جکزه ده . عجز ایچنده اولوم اسلامق شانندن دکلدرد . آرتق کوزمزی درت آنجق ایچون شوایتالیا حربندن ده بیوک ، معنیدار ، آجی تجربه بکله یورسه ق... ایشته مزار . فقط آرتق او مزار مذلت بزه لایق دکلدرد . فوت ایده جک وقتمز یوقدر . تردد ایده جک حالده ده دکلز . آدم یواش یواش هبسی اولور . دیرسه ک آلدانیرز ، هم چوق آلدانیرز . بحر سفیده صلح اولدق فرض ایدم . عجبا بش التی سنه صوکره باشمزه موسقوفک چوللانیه جغزی بزه کیم تأمین ایده جک ؟ بونی بیلیم و ایمان کتیرملی که روسلر انتباهمزدن کرکی کی قوشقولانمشلردر . اونلر بوندن صوکره طورماز ، قوتلنمکه باقار . نته کیم باشلادی . قره دکزده روس درید نوظلری وضع دستکاه ایدلدی . کوزمزی درت دکل ، اون درت دفعه آچالیدر . دونامامزک احیاسی ایچون قطعی بر عزم لازمدر ، بوندن اول اناتولی و روم ایلیدن کلن تلغرافلر آه ... استانبولمزلک اومعهود کورولتیلری آرسنده سونرکی اولدی . کویا بوتلغرافلر برقچ کشینک ترتیبکده سی ایمش . حاشا ، ایناماییکز . بوکون بتون ملت دونما دییه چیرینمقده در . اوچ بش کشینک کورولتییی تکمیل ملتک محصله وجدانی اوله ماز . نته کیم قریان مسئله سنده ده بویله اولمشدی . او وقت برقضاده ایدم . بومسئله میدانه چیقنجه الله شاهد اولسونکه هرکس موافق بولدی . هیمز قریان بدلتی تسلیم اید ، جک بر محل ارانه سی ایچون درت کوزله امر بکله یوردق . صد هزار تأسف که یینه برایکی کشینک کورولتوسیه عقیم قالدی . شوکا قطعاً امین اولملی که بویله بوش کورولتویه پابوچ براقه جق قدر ثباتسزلق ایدرسه ک هیچ